

# Entaup da corifeas

20avel Top Pop Rumantsch

■ (cp) La retscha Top Pop Rumantsch celebrescha sia 20avla ediziun cun in cordial entaup musical tranter Mario Pacchioli e Michael von der Heide, en la chanzun bilinga «Lungatg sans frontière». Quatter onns e mez èn passads dapi il lantschament da la seria Top Pop Rumantsch – chanzuns modernas rumantschas producidas aposta ed exclusiv per il Radio Rumantsch. En il fratemp cuntanscha la retscha sia 20avla ediziun. In bun motiv per ina cumparsa festiva. La tscherina per l'interpret giubilar è crudada sin il chantautur *Mario Pacchioli*, però cun il suggeriment da duettar cun ina corifea da la scena svizra. Mario da sia vart ha pledà per in entaup cun ina da sias vuschs preferidas, il brigliant trubadur multilingual *Michael von der Heide*.

Pacchioli e von der Heide han tratgs cuminaivels: Domadus han fermas affinitads vers la chanson franzosa, ed il chantant sursilvan affirmescha quella passiuun tras sia dimora actuala a Losanna en Svizra romanda. Cun quellas premissas en il chau ha Mario Pacchioli scrit ina ballada optimala per il duett, ina chanzun che oscillescha permanentamain tranter las duas linguas rumantsch e franzos, e che tematisescha la finala sasezza: «Lungatg sans



**Mario Pacchioli e Michael von der Heide, en la chanzun bilinga «Lungatg sans frontière».**

MAD

frontière». La chanzun reflecteschia insaco er il mintgadi en noss pajais, commentescha Pacchioli, agiuntond ch'i vegnia «sovivo fatg memia bia tantam enturn il lungatg». En mintga cas serra sia chanzun in rintg cun il titel ch'aveva avert la primavaira 2005 la seria dal Radio Ru-

mantsch en moda bilinga: «Sorry Baby – quei vul dir perstgisa». Top Pop Rumantsch – ina bella tradiziun!

**Il Top Pop «Lungatg sans frontière» è d'udir exclusiv sin Radio Rumantsch e na figurescha perquai betg sin il novissim album «Rispondas» da Mario Pacchioli.**

**Ils titels èn da dudir sin la pagina da RTR: [http://www.rtr.ch/rtr/radio/top\\_pop\\_rumantsch/index.html?siteSect=31013](http://www.rtr.ch/rtr/radio/top_pop_rumantsch/index.html?siteSect=31013)**

**Las emprimas 12 chanzuns èn ultra da quai cumparidas sin il DC «TOP POP Rumantsch vol. 1, 2005-2007», da retrair tar: Radio Rumantsch, Via Masans 2, 7002 Cuira.**